



Փոքր և Միջին Ձեռնարկատիրության  
Համագործակցության Ասոցիացիա



*agricultural alliance*  
Գյուղատնտեսական դաշինք

---

## ՓՈՒՆԸՄԲՈՒՄԱՆ ՀՈՒՇԱԳԻՐ

ք. Երևան

«14» հունիս 2017թ.

Սույն փոխըմբռնման հուշագիրը կնքվում է «ՓՄՁ Համագործակցության Ասոցիացիա» ՀԿ-ի (այսուհետ՝ Ասոցիացիա) և Հայաստանի գյուղատնտեսական դաշինքի (այսուհետ՝ Դաշինք, իսկ Ասոցիացիան և Դաշինքը միասին՝ Կողմեր) միջև:

*Կարևորելով ՀՀ-ում բիզնես շահերի պաշտպանության արդյունավետությունը, դրա համար պայքարելու հրատապությունը,*

*հաշվի առնելով գյուղատնտեսության ոլորտում առկա խնդիրների լուծմանն ուղղված գործուն մեխանիզմների և համատեղ քայլերի անհրաժեշտությունը,*

*գնահատելով Դաշինքի դերը ֆերմերների շահերի պաշտպանության և գյուղատնտեսության ոլորտում ռազմավարությունների բարելավման գործում և Ասոցիացիայի դերը՝ որպես մասնագիտացված կառույցի՝ Փոքր բիզնեսում ներգրավված անձանց շահերի պաշտպանության պայքարում,*

*նկատի ունենալով Կողմերի պատրաստակամությունը՝ համագործակցելու գյուղատնտեսության և բիզնես ոլորտի պաշտպանության և համապատասխան օրենսդրական կարգավորումների բարելավման գործընթացներում,*

Կողմերը կնքեցին սույն Փոխըմբռնման Հուշագիրը (այսուհետ՝ Հուշագիր) հետևյալի մասին.

## **1. Հուշագրի նպատակները**

**Հուշագրի նպատակն է համագործակցել վերը նշված շրջանակներում և օժանդակել կողմերի միջև համագործակցության սերտացմանը, որը կնպաստի Հայաստանի տնտեսության կայուն զարգացմանը:**

Կողմերը միավորում են իրենց ջանքերը հետևյալի շուրջ՝

- Նպաստել գյուղատնտեսության ոլորտում շահերի պաշտպանության բնագավառում առկա հիմնախնդիրների լուծմանը,
- Օժանդակել գյուղատնտեսության ոլորտում ռազմավարական գործընթացներին, օրենսդրության ընթացակարգային և համակարգային բարեփոփոխումների իրականացմանը՝ համատեղ քննարկումների կազմակերպման և առաջարկությունների ներկայացման միջոցով,
- Իրականացնել համատեղ քայլեր՝ ուղղված ագրոբիզնեսի զարգացմանը և խթանել գյուղատնտեսության ոլորտում ներդրումների ներհոսքը:

## **2. Համագործակցության հիմնական սկզբունքները**

Սույն Հուշագիրը սահմանում է Կողմերի միջև համագործակցության հետևյալ սկզբունքները.

- Կողմերի միջև համագործակցությունը հիմնված է ՀՀ օրենսդրության և Կողմերի կանոնադրությամբ սահմանված և սույն Համաձայնագրի դրույթների վրա,
- Համագործակցության ընթացքում Կողմերն առաջնորդվում են փոխադարձ վստահության և ժողովրդավարության սկզբունքներով:

## **3. Համագործակցության ուղղությունները**

Կողմերը համաձայնվում են համագործակցել հետևյալ ուղղություններով՝

- Իրենց գործունեության ընթացքում ՀՀ-ում ֆերմերների, ինչպես նաև գյուղատնտեսական կոոպերատիվների և գյուղատնտեսական գործունեությամբ զբաղվող այլ մասնավոր ընկերությունների իրավունքների պաշտպանության, այդ ոլորտներում հանդիպող և առկա հիմնախնդիրներին վերաբերյալ տեղեկատվության օպերատիվ փոխանակում,
- Ոլորտում առկա հիմնախնդիրների, ֆերմերների շահերի ոտնահարման դեպքերի մասին համատեղ հրապարակային հայտարարություններով ելույթների իրականացում, Համատեղ ուժերով լայնածավալ իրազեկման աշխատանքների իրականացում,
- Գյուղատնտեսության ոլորտում իրականացվող գործունեությանը վերաբերող փորձի փոխանակում,
- Կողմերի՝ սույն համաձայնագրից բխող միջոցառումներին փոխադարձ մասնակցության ապահովում,
- Գյուղատնտեսության ոլորտում ներգրավված անձանց պաշտպանության և ոլորտում կատարվող աշխատանքների մասին տեղեկատվության համակարգում և փոխադարձ փոխանակում, հասանելիության ապահովում հասարակությանը՝
- Համագործակցություն շահառուների հետ,

- Օրենսդրության մեջ առկա բացերի լրացման ինչպես նաև թերությունների շտկմանն ուղղված օրենսդրական և այլ առաջարկների համատեղ մշակում:

#### 4. ԵԶՐԱՓՈՒԿ ԴՐՈՒՑԹՆԵՐ

- 4.1 Սույն Հուշագիրն անժամկետ է, և ուժի մեջ է մտնում Կողմերի ստորագրման պահից:
- 4.2 Հուշագիրը կարող է դադարեցվել կողմերից մեկի նախաձեռնությամբ՝ այդ մասին մյուս կողմին ծանուցելով Հուշագրի դադարեցման պահից տասնհինգ օր առաջ:
- 4.3 Սույն Հուշագիրը կարող է փոփոխվել միայն Կողմերի փոխադարձ գրավոր համաձայնությամբ:
- 4.2. Սույն Հուշագիրը կազմված է երեք էջից, հայերեն լեզվով, հավասար իրավաբանական ուժ ունեցող երկու օրինակներից:

Հայաստանի գյուղատնտեսական  
դաշինքի համանախագահողներ

Վարդան Ուռուտյան


«Ագրոբիզնեսի հետազոտությունների և կրթության  
միջազգային կենտրոն»



Կ.Տ

«ՓՄՁ Համագործակցության Ասոցիացիա»  
ՀԿ-ի նախագահ

Արտակ Մանուկյան



Կ.Տ

Մարգարիտա Հակոբյան


Օքսֆամի Հայաստանյան գրասենյակ



Կ.Տ

Մերի Նիկողոսյան

«ՎԻՍՏԱԱ փորձագիտական կենտրոն»  
խորհրդատվական կազմակերպություն



Կ.Տ